

COMMUNICAZIUN A LAS MEDIAS

Mustér, ils 14 da matg 2025

Decisiuns da la 121avla radunanza generala a Mustér

Barbara Janom Steiner è la nova presidenta dal cussegl d'administraziun da la Repower SA

La 121avla radunanza generala ordinaria da la Repower SA ha gì lieu ils 14 da matg 2025 a Mustér. La nova presidenta dal cussegl d'administraziun da la Repower SA ha num Barbara Janom Steiner. Ella suonda dr. Monika Krüsi ch'è stada ils ultims set onns al timun da Repower. Las acziunarias ed ils acziunaris han approvà da distribuir ina dividenda da CHF 5,00 ed ina dividenda speziala da CHF 1,50 per aczia al num.

A la radunanza generala da la Repower SA en il Center Fontauna a Mustér è vegnì preschentà a las acziunarias ed als acziunaris in dals megliers resultats en l'istorgia da l'interpresa: Per l'onn da gestiun 2024 ha Repower cuntanschì in resultat operativ da CHF 175 milliuns ed in gudogn da la gruppa da CHF 138 milliuns.

Il cussegl d'administraziun ha dumandà la radunanza generala per ina dividenda en l'autezza da CHF 5,00 per aczia al num plus ina dividenda speziala da CHF 1,50. Il diever dal resultat è vegnì approvà da la radunanza generala. La distribuziun da la dividenda va a quint dal gudogn da bilantscha e da reservas da deposits da chapital. Dasper il rapport annual, il quint annual ed il quint dal concern è er il rapport da persistenza vegnì approvà.

Elecziuns

La presidenta dal cussegl d'administraziun dr. Monika Krüsi n'è betg pli stada a disposiziun per ina reelecziun. Sco presidenta independenta ha ella manà dapi il 2018 il cussegl d'administraziun da la Repower SA. Grazia a sia gestiun ha Repower fatg resultats remartgabels ed è sa sviluppada fermamain. A Mustér han il cussegl d'administraziun e la radunanza generala prendì cumià cun grond applaus da dr. Monika Krüsi ed han engrazià cordialmain ad ella per ses engaschament extraordinari a favur da la Repower SA.

La successiun da dr. Monika Krüsi sco presidenta dal cussegl d'administraziun da la Repower SA surpiglia Barbara Janom Steiner. Dal 2008 fin il 2018 è Barbara Janom Steiner stada cussegliera guvernativa dal Grischun. Actualmain presidescha ella il cussegl da banca da la Banca naziunala svizra. Dapi il 2023 fa ella part dal cussegl d'administraziun da la Repower SA.

Dasper Barbara Janom Steiner ha la 121avla radunanza generala era reelegì Beat Huber, Giovanni Jochum e dr. Urs Rengel sco commembers dal cussegl d'administraziun. Peter Eugster n'è betg pli sa mess a disposiziun per ina reelecziun.

Da nov fan part dal cussegl d'administraziun Daniel Bucher, Gian Andri Diem e Phyllis Scholl. Ella ed els ha la radunanza generala elegì sin dumonda dal cussegl d'administraziun.

A la 121avla radunanza generala a Mustér èn stadas represchentadas 6'840'223 da las totalmain 7'390'968 vuschs d'accias.

Avis

- Repower ha publitgà ses rapport da gestiun 2024 ils 9 d'avrigl 2025.
- Ils plets fatgs a la radunanza generala a Mustér vegnan publitgads ils 15 da matg 2025 a partir da ca. las 15.00 sin la pagina-web da Repower per tudestg [DE](#) e talian [IT](#).

Proxims termins

- la publicaziun dals resultats semestriels 2025: ils 10 da settember 2025
- la publicaziun dals resultats annuals 2025: ils 8 d'avrigl 2026
- la 122avla radunanza generala: ils 13 da matg 2026

Contact

Stefan Bisculm

Manader post da medias

t +41 81 423 78 73

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milaun. Repower è activa lung l'entira chadaina da valorisaziun da l'electricitad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.